

Un bon mescla di conocemento y experiencia

Instituto Medico San Nicolas a instala Hunta di Supervision

DESPUES di un procedura di seleccion cu a dura sigur un 4 luna, Instituto Medico San Nicolas (ImSan) ta anuncia e nombrenan nobo den su Hunta di Supervision, cu lo tin como tarea salvaguardia calidad di maneho.

Un total di 4 profesional, tur experto riba nan mes lo trece nan experticio p'asina dirigi y supervisa e cambianan necesario dentro di maneho y complementacion di e proyecto den su totalidad cu ta ImSan.

E proceso di scoge esnan den comunidad pa supervisa y dirigi e cambianan cu mester wordo efectua no tabata facil. Sinembargo awe ImSan ta conta cu un mix fantastico di conocemento, experticio y dedicacion.

Tisa LaSorte-Henriquez ta excelente den "Strategic Planning", mercadeo y "brainstorm facilitation". A studia "Communication Management" na Ithaca College na N.Y.

Drs. Lucia Ann White a studia na Princeton, NJ y a ocupa



diferente funcion den maneho y organizacion pa Gobierno di Aruba. Awendia e ta Director interino na Free Zone Aruba y ta conoci pa su experticio den contractnan nobo y implementacion di sistemanan di integridad. Viola van Bogaert ta conoci pa su amplio curriculum den tur loke ta "staats en bestuursrecht" y tambe leynan internacional. E ta docente na "Faculteit der rechtsgeleerdheid" na Universidad di Aruba.

Tito de Cuba tin un experiencia profesional den leynan laboral y maneho disciplinario y ta miembro di varios comision cu ta trata na engrandece y sostene e forsa laboral riba e isla.

Minister dr. Alex Schwengle, ta orguyoso cu a nombra e mihor ehecutivonan di Aruba den e Hunta di Supervision di ImSan. "Mi ta convenci cu den cuadro di e cambianan den ImSan, nos ta conta cu un ekipo fuerte

di conocemento y experticio cu lo sa di guia cu siguransa y transparencia".

Instituto Medico San Nicolas, ImSan, ta existi desde aña 2005, pero na aña 2008 a conta cu henter un renobacion y ampliacion cu a costa 24 milyon florin.

E ampliacion y renobacion te ainda no ta cla.

E instituto desde e tempo ey ta ofrece servicio di "Spoed

Eisende Hulp", Ambulance, Radiologia, Oftalmologia, Centro Diabetico, Dokter di Cas, "Huisarts in opleiding", Laboratorio, Wondenpoli, Trainingorganisatie y recientemente hasta a bira mas conoci ainda pa su servicio di dialyse.

Actualmente ImSan ta atende como 60 mil pashent pa aña, specialmente den su departamento di "Spoed Eisende Hulp", cu ta habri 24 ora pa dia y ta conta cu un personal atento di 1 internista specialisa, 5 poor-tarts y 12 nurse.

En total 159 persona ta traha na ImSan pa por sirbi e clientenan debidamente.

Na aña 2012 a sera un acuerdo di cooperacion cu Baptist Health y t'e intencion pa pronto cuminsa ofrece servicio di Oncologia.

Minister di Salud, Cuido di nos grandi nan y Deporte, dr. Alex Schwengle ta desea e miembronan di Hunta di Supervision di ImSan hopi exito.